

BURSA SHQIPTARE E ENRGJISË ELEKTRIKE - ALPEX SH.A – Dega në Kosovë

Nr. _____ Prot.



Prishtinë, më 05.07.2023

Lënda: Propozim për aprovim lidhur me përcaktimin e Portofoleve të Anëtarëve të Bursës që do trajtohen me Urdhërporosi Marrëse të Çmimit me Përparësi (Shitjeje/Blerjeje) dhe renditjen e tyre sipas priorititetit në Tregjet e Ankandeve të Ditës në Avancë dhe Brenda së Njëjtës Ditë në Bursën Shqiptare të Energjisë Elektrike – ALPEX sh.a.

Drejtuar: Zyra e Rregullatorit për Energji

Rruja: Bekim Fehmiu (Ish Ndërtesa e Fazitës), kati:2, Prishtinë 10000, Kosovë

I nderuar z. Fejzullahu,

Duke u bazuar ne dispozitat e Rregullave dhe Procedurave të ALPEX, Bursa Shqiptare e Energjisë Elektrike – ALPEX sh.a, paraqet para Jush propozimin për aprovim lidhur me përcaktimin e Portofoleve të Anëtarëve të Bursës që do trajtohen me Urdhërporosi Marrëse të Çmimit me Përparësi (Shitjeje/Blerjeje) dhe renditjen e tyre sipas priorititetit në Tregjet e Ankandeve të Ditës në Avancë dhe Brenda së Njëjtës Ditë në Bursën Shqiptare të Energjisë Elektrike – ALPEX sh.a.

Ky propozim është dhënë duke marrë në konsideratë plotësimin e parashikimeve të Procedurës së Tregtimit të ALPEX sh.a, të aprovuar nga ZRR me vendim nr. V_1638_2022 date 27.12.2022. Kjo Procedure parashikon në pikën B.1.6. Urdhërporositë Marrëse të Çmimit me Përparësi (Shitjeje/Blerjeje), duke lënë në diskrecion të Zyres se Rregullatorit për Energji përcaktimin e Portofoleve të Anëtarëve përkatës të Bursës të cilët do të dorëzojnë Urdhërporosi Marrëse të Çmimit me Përparësi (Shitjeje/Blerjeje).

Referuar Procedurës së Tregtimit të ALPEX, Urdhërporositë Marrëse të Çmimit me Përparësi (Shitjeje/Blerjeje) janë Urdhërporosi me hapa (Shitjeje/Blerjeje) të dorëzuara për një çmim të barabartë me Çmin e lejuar Maksimal/Minimal të Tregut të Ankandeve të Ditës në Avancë dhe Brenda së Njëjtës Ditë per tu miratuar nga ZRR me propozim te ALPEX.

Bursa Shqiptare e Energjisë Elektrike – ALPEX sh.a, në kuadër të detyrimeve dhe angazhimeve të ndërmarra, vlerëson se cilët prej Portofoleve të Anëtarëve të Bursës duhet të përfitojnë statusin për të vendosur Urdhërporosi Marrëse e Çmimit me Përparësi (Shitjeje/Blerjeje).

Duke marrë parasysh nevojën për një treg të drejtë dhe pa probleme në formimin e rregullt të çmimit, referuar praktikave të ndjekura nga Bursat e Energjisë të vendeve Evropiane, si dhe referuar procedurës së ndjekur nga Ofriuesi i Shërbimit (Henex), Bursa Shqiptare e Energjisë

Elektriqe – ALPEX sh.a propozon aprovizimin nga ana Juaj të Portofoleve të Anëtarëve të Bursës dhe radhën e renditjes së tyre në kurbat e grupuar (Blerjeje/Shitjeje).

Portofolet e Anëtarëve të Bursës që duhet të vendosin Urdhërporosi Marrëse te Çmimit me Përparësi Blerjeje, do të renditen në kurbën e grupuar të blerjeve sipas prioriteteve të mëposhtme:

1. Sasia e energjisë elektriqe e blerë nga Portofoli i Operatorit të Sistemit të Transmesionit dhe Tregut SH.A për blerjen e humbjeve bazuar në një kontratë dypaleshe KOSTT-KEK e cila do të tregtohet në ALPEX si kontratë financiare, do të renditet e para në kurbën e grupuar të blerjeve.
2. Sasia e energjisë elektriqe e blerë nga Portofoli i KESCO-s e prodhuar nga BRE-të e bazuar në një kontratë dypaleshe midis KESCO-s dhe Entitetit përgjegjës për këto sasi të energjisë elektriqe që do të tregtohet në ALPEX si kontratë financiare, do të renditet e dyta në kurbën e grupuar të blerjeve.
3. Sasia e energjisë e blerë nga Portofoli i Operatorit te Sistemit të Shpërndarjes SH.A për blerjen e humbjeve e bazuar në një kontratë dypaleshe KEDS-KEK e cila do të tregtohet në ALPEX si kontratë financiare do të renditet e treta në kurbën e grupuar të blerjeve.
4. Sasia e energjisë e blerë nga portofoli i Furnizuesit të Shërbimit Universal SH.A për volumet bazuar në një kontratë dypaleshe KESCO-KEK e cila do të tregtohet në ALPEX si kontratë financiare në kuadër të detyrimit të shërbimit universal do të renditet e katerta në kurbën e grupuar të blerjeve.
5. Sasia e energjisë elektriqe e blerë nga prototfoli i palës blerëse në një kontratë dypalëshe e cila do të tregtohet në ALPEX si kontratë financiare, do të bëj pjesë ne segmentin e pestë në kurben e grupuar të blerjeve. Radha e renditjes brenda ketij segmenti do të percaktohet sipas gjurmës kohore të vendosjes së urdhërporosive.
6. Sasia e energjisë elektriqe e blerë nga Portofoli i Operatorit të Sistemit të Transmesionit dhe Tregut SH.A për humbjet në treg të lirë do të renditet e gjashta në kurbën e grupuar të blerjeve

Portofolet e Anëtarëve të Bursës që duhet të vendosin Urdhërporosi Marrëse të Çmimit me Përparësi Shitjeje, do të renditen në kurben e grupuar te shitjeve sipas prioriteteve të mëposhtme:

1. Sasia e energjisë elektriqe e shitur nga portofoli i KEK-ut në kuadër të përbushjes së detyrimeve Ligjore, Rregullative kundrejt KOSTT-it do të renditet e para në kurbën e grupuar të shitjeve. KEK-u do të vendos se cila pjesë e kësaj sasise apo e gjithë sasia e energjisë së prodhuar për këto detyrime do të vendoset si urdhërporosi marrëse e çmimit me perparësi shitje nëpermjet prototolit të krijuar për këtë qëllim.
2. Sasia e energjisë elektriqe e shitur nga portofoli i Entitetit përgjegjës që do të tregtojë në ALPEX energjinë elektriqe të prodhuar nga BRE-të (të perfshira në skemën mbështetëse) do të renditet e dyta në kurbën e grupuar të shitjeve.
3. Sasia e energjisë elektriqe e shitur nga portofoli i KEK-ut në kuadër të përbushjes së detyrimeve Ligjore, Rregullative ose kontraktuale kundrejt KESCO-s dhe KEDS-it do

të renditet e treta në kurbën e grupuar të shitjeve. KEK-u do të vendos se cila pjesë e sasisë apo e gjithë sasia e energjisë së prodhuar për keto detyrime do të vendoset si urdhërporosi marrëse e cmimit me përparesi shitje nëpermjet protofolit të krijuar për këtë qëllim.

4. Sasia e energjisë elektrike e shitur nga portofolet e KEK-ut në rastet e regjimit të ruajtjes se minimumt teknik do të renditet e katërtë në kurbën e grupuar të shitjeve.

Duke Ju falënderuar për bashkëpunimin, mbetemi të hapur për çdo kërkesë apo sqarim të mundshëm.

ADMINISTRATOR i ALPEX sh.a

Sokol Dishnica

